

Guangjisi Minzcu Bau

ganhhau: CN45-0036 B.2018 Nd.6 Ng.6 liggaueq fouhswt nienz ndwenseiq ngeihsam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3327期

《Diuzlaeh Hong Saw Vah Minzcu Vunznoix Guengjsae Bouxcuengh Swcigih》Ndae Swcigih Cibsam Gaiq Yinzda Cangzveijvei Doenggvaq

《广西壮族自治区少数民族语言文字工作条例》获自治区十三届人大常委会通过

Bonjbauq siusik(gicej Dangz Lungz) Ndwen 5 ngoenz 31 banhaet, Swcigih Cibsam Gaiq Yinzda Cangz-veijvei Aenhoih Baez Daihsam Aen-
hoih Daengxcungq Baez Daihgeih youq Namzningz hai, aenhoih biujgiet doenggvaq le《Diuzlaeh Hong Saw Vah Minzcu Vunznoix Guengjsae Boux-
cuengh Swcigih》(lajneix genjdanh heuhguh《Diuzlaeh》).

Swcigih Minzyijveij fucujyin Vei

Yungjhungz youq mwh ciepsouh gicej caijfangj naeuz,《Diuzlaeh》dwg bouh fapgvi deihfuengsingq minzcu youq-
gaenj gih raeuz youq gyavaiq saed-
yienh “song aen guhbaenz” hingzseiq moq lajde dingh’ok, dwg cungigez caeuq hwngfat gij gingniemh baenz-
goeng hong saw vah minzcu vunznoix lai bi neix daeuj.《Diuzlaeh》ndaej doenggvaq hauh’ok saw vah minzcu gih raeuz laebfap aeundaej cung-

byoengq lizsijsingq, doiq coglaeng guh ndei hong saw vah minzcu gih raeuz yaek miz faplwd baujcaeng cozyung. Hoeng, cangzcwngh fanh leix dan yamqok le yamq daih’it maenhsaed, nyinhcaen hagsib senhconz, cienz-
mienh gvancez doeksaed《Diuzlaeh》, guh ndei hong hwngfat swnjcienz vwnzva minzcu mbaq rap naek diuz roen gyae, raeuz lijau laebdaeb roengzrengz!

SIUSIK DINJ

简讯

● Ndwen 5 ngoenz 31, Sanhyangh Duncuz Swciyen yenciz gihgvanh youwzyenz youq aenguenj lienhdang aen yienh neix banh “roek it” vwnzyi comzyienj, lauxsae hag-seng caeuq gyoengq bohranz yungh golau Duncuz, bohranz caeuq lwghag langhbaij ndang-daenj, bohranz caeuq lwghag caez diuqfoux daengj cezmu-
lai yiengh angqcoux ciet lwgnyez, caeuq lwgnyez caez yiengsauh gij angqyangz seiz lwgnyez.

(Gungh Bujganh)

● Ndwen 5 ngoenz 31, Bingzsiengz Si Daih’it Cungh-yoz banh gaiq daihsam minzcu conzdungj diyyuz yindungvei. Baez yindungvei neix miz bau aendomq, bengcag, sam vunz haizgieg, song vunz sam ga buet, dik gienq, diuqcag daengj conzdungj minzcu diyyuz hanghmoeg, yindungvei guh 2 ngoenz.

(Hij Siuilingz)

● Ndwen 6 ngoenz 1, Lungzswng Gak Cuz Swciyen Lungzswng Cin Fulenz cujcz bouxgagnyienh “daxmeh sim-ndei” daiq lwg bonjfaenh daengz Sanhdungh Cunh aen cin neix, bae camnai lwgnyez ndangcanz mbouj ndaej cingq-ciengz hwnjhag haenx, soengq yinjlui, doxgaiq guhcaemz, saw nem ngaenzcamnai bae hawj gyoengqde, caeuq gyoengqde caez guhcaemz, ciengqgo, hawj lwgnyez ndangcanz lumj lwg-nyez cingqciengz ityiengh gvaq ciet lwgnyez “roek it” bonjfaenh.

(Vuz Swngghbinh Yangz Cingh)

● Ndwen 5 ngoenz 31, Baksak Si Saedniemh Siujyoz haiguh hoh “roek it” simndei ngeihgai hozdung, gyoengq hagseng iq dawz gak cungj gijwn ndei bonjfaenh caeuq lauxsae, bohranz doxgap guh haenx youq ndaw hagdangz ngeihgai, caemhcai dawz gij cienz gai ndaej haenx cienz-bouh gien okdaej, yungh guh bang lwgnyez gungzhoj caeuq lwgnyez louz mbanj, yungh neix angqhoh ciet lwgnyez “roek it” bonjfaenh.

(Luz Gez)

Ginhsiu Banh Gaiq Daihhaj Cungh Siujhagseng Yisuz Comzyienj Hozdung

金秀举行第五届中小学生艺术展演活动



Ndwen 5 ngoenz 30 daengz 31, ciengz comzyienj ciet yisuz vwnzva ndawhag aen cawjdaez dwg “laj ndit majhung” youq Aen Cungsim Yisuz Yauzcuz Ginhsiu Yauzcuz Swciyen yienj. 1300 lai boux lauxsae hagseng daj daengx yienh gak cunghyoz siujyoz daeuj haenx camgya baez hozdung neix. Daengx ciengz hozdung ndeiawj raix-caix, cezmu-
fungfouq lai yiengh, hingzsi-
lai yiengh, gyoengq boux-yienj ciengqgo diuqfoux, habciengq, diuqfoux, siujbinj daengj cezmu-
doxlwnz hwnj daiz. Ndaw doz dwg hagseng youq gwnz daiz yienj cezmu-
z.

(Cinz Haijcingh/陈海清 Hij Dunghdungh/许冬冬)

Dunghlanz Yen Doiok Denyingj Dinj Vahcuengh《Deqcaj》

东兰县推出壮语微电影《等候》

Mboengqneix, denyingj dinj banj Vahcuengh《Deqcaj》diemj yawj gaenq daengz 16 fanh lai baez, hawj haujlai bouxyawj miz yaenqsiengq laeg youh gamjdoengh.

Ciuq cam rox, bouh benq neix youz Dunghlanz Yen Minzyijgiz guh okdaej, yungh lwgnyez louz mbanj guh daezcaiz ingj, lwnhgangj le gij gojgaeq bouxcujyinzgungh iq Myauz-myauz caeuq bohme okrog dajgoeng dauqranz ngamq raennaj youh aeu doxbiek. Bouh benq neix daj cogeiz couzbwh, geizgonq ingj, geizlaeng guh

daengz doeklaeng guhsat ginggvaq 3 ndwen lai, bouh benq neix baez boqok, couh ndaej daengz vunz gak hangz ndawbiengz gvangqlangh gvansim, bouh benq neix hix dwg bouh daeuz denyingj dinj banj Vahcuengh Hozciz Si gag ingj okdaej, doiq gyagiengz minzcu doxgiet, coicaenh ndawbiengz doxhuz hwngfat miz gij cozyung gaenxmaenx.

Ciuq cam rox, daj bi 2011 hainduj, aen yienh neix gaenq haiguh “denyingj gohgi Vahcuengh haeuj bak mbanj, fugsah lajmbanj moq sevei

cujyi” hozdung, haenq doi hong hoizguh caeuq boquengq denyingj vah minzcu vunznoix, daengz bi 2017 riengbi, aen yienh neix gaenq boquengq denyingj Vahcuengh 1176 ciengzbaez, bouxyawj daengz 23.5 fanh vunzbaez. Fanhoiz loegguh 42 bouh benqgojgaeq Vahcuengh, 19 bouh benqgohgyau, ndawde bineix ndwen 5 gaenq loegguh sat《Ak Lo, Aen Guek Raeuz》banj Vahcuengh deihfueng, yaek youq ndwen 7 soengqlaex hawj laeb dangj 97 hopbi.

(Veiz Vanjshw/韦婉姿)